



# NEWSLETTER BR. 52

JUNI 2019

## SADRŽAJ

### FIPA AKTIVNOSTI ≡

- » Turski privrednici žele da turska bude među pet najvećih zemalja investitora u BiH
- » Kineski investitori zainteresirani za ulaganje u BiH

### FIPA POSLOVNE VIJESTI ≡

- » Surtec i Zinktechnik proizvode za lidere automobilske industrije
- » Violeta kupila Čapljinsku "Lastu"

# FIPA AKTIVNOSTI ≡



TURSKI PRIVREDNICI ŽELE DA TURSKA BUDE MEĐU PET NAJVEĆIH ZEMALJA INVESTITORA U BIH



KINESKI INVESTITORI ZAINTERESIRANI ZA ULAGANJE U BIH





## TURSKI PRIVREDNICI ŽELE DA TURSKA BUDE MEĐU PET NAJVEĆIH ZEMALJA INVESTITORA U BIH



Agencija za unapređenje stranih investicija u BiH (FIPA), Generalni konzulat Bosne i Hercegovine u Istanbulu i Privredna komora Federacije BiH, u suradnji s Privrednom komorom Istanbula, organizirala je 17. juna u Istanbulu „Bosnia and Herzegovina Investment Day“.

Organizaciju događaja je inicirala Privredna komora Istanbula i FIPA s ciljem upoznavanja zainteresiranih turskih kompanija s investicijskim prilikama Bosne i Hercegovine. U predhodbom periodu organizirane su česte posjete privrednih delegacija iz Turske BiH, ali ne uvijek s ozbiljnim namjerama za investiranje. Cilj ovog događaja je da se na pravi način predstave profitabilne prilike i mogućnosti BiH za istanbulske kompanije koje imaju ozbiljne namjere za širenje svog poslovanja izvan Turske. Privredna komora Istanbula ITO i FIPA s partnerskim institucijama su nekoliko mjeseci radile na pripremi događaja, adekvatne agende i selektiranju investicijskih projekata i kompanija. Manifestaciju je otvorio gđin Šekib Avdagić, predsjednik ITO. Istakao je odlične kulturne i političke odnose Turske i BiH, te činjenicu da investicijski odnosi nisu na nivou koji je potencijalno moguć i očekivan. Ambasador BiH u Ankaru Bakir Sadović je istakao spremnost i želju Ambasade i konzulata, te svih institucija u BiH da budu na usluzi turskim investitorima. Direktor FIPA-e Gordana Milinić, kao glavni organizator, istaknuo je osnovne usluge koje FIPA pruža investitorima od inicijalnog interesa, organizacije sastanaka, pronalaska lokacija za ulaganje, pa do podrške koju pruža u postinvesticionoj fazi odnosno prilikom procesa reinvestiranja. Predstavnik FIPA-e Nina Pabrić je predstavila osnovne prednosti BiH za ulaganje, te atraktivne sektore i projekte.

Stopa poreza na dobit kompanija u BiH je 10%, a u Turskoj 22%. BiH pruža lakši transport proizvoda na tržište EU, zašto su turski investitori zainteresirani, uz korištenje slobodnog trgovinskog režima za regiju i EU. Dat je prikaz ostalih operativnih troškova, strukture radne snage i obrazovnog sistema, te zakonodavstva i reformskih procesa koji se sprovode u BiH. Svoja iskustva s poslovanjem u BiH su prenijeli i Muzafer Cilek, počasni konzul BiH u Bursi, vlasnik kompanije Cilek najvećeg proizvođača dječijeg namještaja, zatim Yusuf Dilaver, CEO Turkish Ziraat BH i Murat Unganer suvlasnik Bjelašnica White Apartments Project. Svi privrednici su istaknuli da su zadovoljni poslovnim rezultatima u BiH, da turskih investicija treba biti više u narednom periodu i da poslovne procedure jesu relativno komplikovane, ali ne više nego u svim drugim zemljama svijeta.

Gđin Cilek posluje u više od 90 zemalja i smatra da BiH nije nista više komplikovana od drugih, samo treba raditi na transparentnosti i pristupu klijentima. Podpredsjednik Privredne komore Federacije BiH Mirsad Jašarspahić je predstavio rad i usluge Komore i podršku koju pružaju kompanijama. Gđin Šekib Avdagić i turski privrednici su zaključili da postoje svi preduvjeti da Turska bude, ne 11., već među top pet zemalja investitora i kako treba nastaviti s organizacijom sličnih događaja u Turskoj. Dodatno, predstavnici Ministarstva trgovine Turske obećali su pomoć i stimulansu turskim investitorima koji žele ulagati u BiH, što će doprinijeti povećanju turskih investicija u BiH.

Nakon plenarnog dijela održani su B2B sastanaka između kompanija iz Bosne i Hercegovine i Turske vezano za trgovinu i investicije. Turske kompanije su pokazale interes za projekte iz BiH i dogovorene su prve posjete BiH.

Prisutne turske kompanije djeluju u metalo-prerađivačkom sektoru, sektoru proizvodnje autodijelova, proizvodnje hrane, namještaja, hemijske industrije, turizma, kao i tekstilne industrije. Privredna komora Istanbula jedna je od najvećih privrednih komora na svijetu, s registriranim članstvom od 450.000 kompanija.



# 境外经贸合作区与长三角企业对接会

CONFERENCE BETWEEN OVERSEAS ECONOMIC AND TRADE COOPERATION ZONES AND YANGTZE RIVER DELTA ENTERPRISES



## KINESKI INVESTITORI ZAINTERESIRANI ZA ULAGANJE U BIH



Delegacija FIPA-e na čelu s direktorom Gordanom Milinićem učestvovala je u Ningbou, Kina, na 5. Investiciono-trgovinskom samitu Kine i zemalja centralne i istočne Europe u okviru sajma investicija i trgovine. Na Investment Cooperation Meeting-u organiziranom s ciljem uspostavljanja kontakata s kineskim kompanijama, FIPA je pružila informacije o poslovnom ambijentu BiH za strane investitore, te je predstavljeno nekoliko najvećih i najatraktivnijih projekata iz sektora energetike, infrastrukture, transporta, turizma i metaloprerade.

Agencija je pripremila ukupno stotinu projekata za direktne sastanke s kineskim investitorima, kako iz navedenih sektora, tako i iz IT sektora, zdravstva, auto-industrije, te proizvodnje hrane.

Osim delegacije iz Bosne i Hercegovine, na konferenciji su učestvovali delegacije Hrvatske, Makedonije, Grčke, Srbije, Slovenije, Latvije, Litvanije, Estonije, Bugarske, Rumunije, Poljske, Češke, Slovačke, Mađarske, Albanije. Također, predstavnici FIPA-e su učestvovali na Matchmaking Symposium for Foreign Economic and Trade Zones na kojem su predstavljene slobodne i biznis zone u BiH za kineske investitore. Kineske kompanije su pokazale interes za suradnju sa bh. vlastima na izgradnji industrijskih zona, obnovljive izvore energije (posebno solarne parkove), IT i Business Process usluge, transport i infrastrukturu, te zdravstveni i spa turizam, s obzirom na ukidanje viza za sve vrste pasoša između Kine i BiH.

Svi ovi događaji predstavljaju odličnu priliku za uspostavljanje čvršće suradnje s Kinom i povećanje ulaganja kineskih investitora, posebno uzimajući u obzir kineski ekonomski i privredni razvoj.

Delegacija FIPA-e je posjetila paviljon u kojem kompanije iz Bosne i Hercegovine izlažu svoje proizvode, te je zajedno s delegacijom Kantona Sarajevo susrela predstavnike grada Ningbo s kojim se razgovaralo o uspješnoj organizaciji Prvog investicionog foruma BiH- Ningbo u novembru 2018 u Sarajevu, kao i daljnim planovima za suradnju.

# FIPA POSLOVNE VIJESTI ≡



SURTEC I ZINKTEKNIK PROIZVODE ZA LIDERE AUTOMOBILSKE INDUSTRIJE



VIOLETA KUPILA ČAPLJINSKU "LASTU" ≡





## SURTEC I ZINKTEKNIK PROIZVODE ZA LIDERE AUTOMOBILSKE INDUSTRIJE



Kompanija SurTec-Eurosaj d.o.o. Konjic otvorila je ove godine novi proizvodni pogon za trivalentno kromiranje.

Tehnologija je najnoviji standard zaštite, pogotovo u autoindustriji, a temelji se na zamjeni šesto-valentnog kroma sa ekološki prihvatljivom verzijom trovalentnog kroma. Novi projekt je implementiran u saradnji sa švedskom firmom Zinkteknik iz Mostara kao rezultat dugogodišnje uspješne saradnje. Pogon je potpuno nov i u njega su uložena višemilionska sredstva. U početku je linija je bila namijenjena samo za usluge Zinkteknik-a dok je kasnije proširena za potencijalne nove tehnologije.

U pogonu se trenutno radi prva smjena, a nakon probne proizvodnje će se otvoriti na desetine radnih mjesta.





## VIOLETA KUPILA ČAPLJINSKU “LASTU”



Tvornica keksa i vafla “Lasta” Čapljina će nastaviti proizvodnju, zahvaljujući novom vlasniku kompaniji Violeta. Ukupna površina zemljišta koje “pokriva” nekadašnji gigant je 63.101 m<sup>2</sup>, odnosno 6,3 hektara. Predmet prodaje je bila i oprema kojom tvornica u stečaju raspolaže, te nematerijalna imovina kao što su pravo na dizajn ambalaže, koncesije, patenti i slično.

Ukupna procijenjena vrijednost društva prema Elaboratu o popisu i procjeni vrijednosti je 11.476.300 KM.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54.  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)



A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)